

Colosenses

Ja ua ra carta bi 'yo'tra Pablo, ngue bi mennba yø 'yɛc'ɛi Colosas.

1 ¹ Nūgä drá Pablo, Oja bi 'yɛxqui ngue drá representantegä rá Jesucristo. Co 'nɛhna mā zi cūhū rá Timoteo ² dadi zenguagä'be'u to gätho ya o rá 'yɛ Oja rá m'mup'u ja rá hnini Colosas. Gue'e mā zi cū'ahū ngue guí ɛc'ɛihū rá Jesucristo. Dí nne ngue nūna Oja mā Papáhu di jap'ahū 'nɛ dā hyut'a ni mmuihū.

³ Nūna Oja, guehna rá Papá mā Hmuhū Jesucristo. Guehna zant'a dadi ja mammadi 'mø dá mat'Oja conná ngue'ahū nā. ⁴ Porque dí øcä te ja ni nt'ɛc'ɛihū ngue rá Jesucristo. 'Nɛ dí øde ngue majuaní gadi mahmū to gätho ya o rá 'yɛ Oja. ⁵ Xquet'a dadi ja mammadi Oja ngue'a te gä rá nho ya xpá nzänni di 'da'ahū p'u mahɛts'i. Ya guí pahmū ngue Oja di 'da'ahū rá nho, porque guehna rá hya n'youi rá hoga 'da'yo hya bi si'ahū nā. A nūna rá hya bi si'ahū, majuaní nā. ⁶ Pɛ hinga høn'athohū bi si'ahū nā rá hya nā, sinoque mā'yoní rá hya ndap'u bi zä rá nguní nximhäi. A nuyá, ndap'u bi zä, man'na man'na ni 'yɛc'ɛitho rá hya yø ja'i. 'Nɛ man'na ni xohyø n'yomfɛni yø ja'i ndana rá nho dá n'yo. Porque nuyá, ndap'u bi zä njap'u tengutho'a te bi njap'u guí 'buhmū asta guehyø pa xcä 'yøhmū nā rá hya nā. Ja bá timp'u ni mmuihū ngue majuaní ja rá mate Oja. ⁷ Nūna mā zi cūhū rá Epafras bi xän'nahū nā rá hya nā. Xquet'a ørpabi rá 'befi rá Cristo tengutho dí øt'ä. Nūna rá Epafras di mpɛfi xanho p'u ha guí 'buhmū ngue manna hya, tengutho 'mø gdí 'bucä p'u. ⁸ Nūna rá Epafras, guehna bi xiqui hanja'a te øt'ahū rá Espíritu Santo ngue gadi mmahmū n'na ngu n'na'ahū.

⁹ Asta guehra pa xtä øcä nā rá hya naya, hindí säya dí mmat'Oja conná ngue'ahū. Dí äpä Oja ngue dā 'yøt'e ngue guí pahmū xanho'a te gä nne Oja gui 'yøthū. Dā xoc'a ni n'yomfɛnihū ngue man'na gdí pahmū'a te rá nho ja ngue gdí n'yohū. ¹⁰ Porque dí nnegä ngue guí n'yohū tengutho nne Oja gdí n'yohū. Nu'mø ngu'a gui 'yøthū ya, nūna Oja zant'a jampähä conná ngue'ahū. Dí nnegä ya ngue nūna te gä gui 'yøthū, gä dā gue'a te xanho gui 'yøthū. Dí nne ngue man'na man'na gdí mbenthū Oja. ¹¹ Nūna Oja jase rá ts'edi, guehna dí äpi ngue di 'da'ahū rá ts'edi nūna guí homhmū ngue dā zäp'u gui sɛthū'a te gä rá n'u guí thohmū. Zant'a guí johya thohū. ¹² Dí nne ngue guí ja mammadihū Oja, nūna rá Papá rá Jesucristo. Porque guehna bi 'yøt'e ngue di tocagahū nā te gä di unnbū mahɛts'i'u yø ja'i ya o rá 'yɛ. ¹³ Nūna guehna bá jugahū p'u ja rá ts'edi rá zithū madi mandagahū nā. Bi 'yøt'e ngue go dá ɛc'ɛihū'a te rá

hya di manda rá Ts'unt'u Oja. Nuna Oja emmei di ma'a rá Ts'unt'u.

¹⁴ 'Ne guehna rá Ts'unt'u Oja bi gurca ma ts'oquihu. Janangue ya bi punnga ma ts'oquihu.

¹⁵ Nuna Oja, hinjongui nnu na. Pe conná nguehra Jesucristo ya fa Oja ya, porque 'da'igu'u. Nuna ra Jesucristo, guehna maguese na ngue'a te gátho i ja. ¹⁶ Conná nguehra Jesucristo i ja ya yø cosa bi hogui, tengutho bi ja mahets'i 'ne'a te ga ja ua ja ra ximhai. Guehya yø cosa dí nnuhu ngue ja, co 'ne'u yø cosa ngue hinda nnuhu. Conná ngue'a, 'bu'u to ja yø ts'edi, 'ne 'bu'u to t'ec'ei, 'ne 'bu'u yø ts'ut'abi, 'ne 'bu'u to gátho yø hmu. Porque ra Cristo go bá sanni te gátho ja'a, 'ne go gue'a di manda gátho yø cosa'a. ¹⁷ Nuna ra Cristo, ya mi 'bu'mø tobe himmi ja'a te ja ya. Pe nu te dí nnuhu ngue ja ya, go gue'a øt'a ya ngue di sigue jatho yø cosa i ja. ¹⁸ A nuyá, nuna ra Cristo guehna 'bet'o na ngue gátho yø 'yec'ei 'bui, tengutho rá ya ra ja'i, gue'a 'bet'o'a ngue di mandabi ga rá do'yo ra ja'i. A nuna ra Cristo, guehna di unna 'da'yo te'u to ga ec'ei na. 'Ne go 'bet'o na ngue'u to di bennate p'u ha da nt'agui. Janangue nuna ra Cristo, guehna maguese na ngue'a te gátho i ja. ¹⁹ Oja bi ne ngue tengutho'a, xquet'a njarbutho ra Cristo ya. ²⁰ Oja bi ne ngue conná Cristo da zä di mpenhui Oja yø ja'i 'bucua ja ra hai co 'ne'u bí 'bu mahets'i. Di nhojpau Oja rangue bi du p'u ja ra pont'i ra Cristo.

²¹ Nu'mø yø pa xa thogui, gmi nnu 'dan'yohu Oja p'u ja ni mmuihu. Mani nsuihu na, porque ga ra nts'o gmani n'yohu. Pe ya bi ne Oja ngue da n'amigohu ya. ²² Ra Cristo bi n'uni bi tho, n'namhma ngue di hoga ma ts'oquihu. Janangue nu'mø ya gdi 'buhmu p'u ja rá hmi rá da Oja, ya hin tema nts'o di nequi p'u ja ma mmuihu. Ya hin tema hya da thinngahu. ²³ Pe jatho ga hahu ra ts'edi ngue di ndu ma nt'ec'ei i ja. 'Ne 'yo guí yobenihu nguehna ra hoga 'da'yo hya bi si'ahu. 'Ne guehna ra hya i hma ga rá nguni nximhai na. Nugä drá Pablo xquet'a guehna ra hya dí mmangä p'u 'buhyø ja'i naya.

²⁴ A nuyá, dadi johyagä ngue dí sägä ra n'u conná ngue'ahu. Porque ya dí thocä ra n'u ja ngue ga thogui, tengutho ra Cristo bi zä ra n'u conná ngue'u yø ja'i bi 'yec'ei. ²⁵ Nuna Oja bi 'dacä ra 'befi ngue ga faxahu co gátho mi'da yø 'yec'ei. Janangue nuyá, ga dí mmangä'a te gäma hya n'youi rá hya Oja. ²⁶ Nuna ra hya dí mmangä, himmi fa'mø yø pa xa thogui, asta ja nuya, ja bi fahya. A nu'u yø nyogui ja'i xa m'mui, himbi bahna ra hya na. Pe nuyá, nuna Oja bi japi ngue bi ba'u yø ja'i ya o rá 'ye ya. ²⁷ Oja bi 'yøt'e ngue da fadi hangu gangu ra nho di unyø ja'i hingyø judío. Guehna ra hya naya ngue ya guí n'yohu ra Cristo. A nuyá,

ngue ya guí n'yohu ra Cristo, ya tinni mmuihu xandønho ngue majuaní dī n'na'ahu ra nho p'u mahets'i.

²⁸ Nuna ra Cristo dí mmangähe. Dadi consejohe gätho yø ja'i. Dí xännbahe ra hya gätho yø ja'i, n'namhma ngue da badi xanho hanja ra hya. Dí nnegähe ngue nu'u yø ja'i ya n'youi ra Cristo, gätho ra nho da n'yo n'namhma ngue da nu manho Oja. ²⁹ Guehna ngue nná ho ma mmui dadi mpefi. Porque di hacra ts'edi ra Cristo ngue ga mpefi ga mmanna hya.

2 ¹ Dí nnegä guí pahmu ngue mathoguitho dí hogä ma mmui dí mmat'Oja conná ngue'ahu. 'Ne dí mmat'Oja conná ngue'u yø 'yec'ei rá m'mup'u ja ra hnini Laodicea. 'Ne dí mmarpabi Oja gätho mi'da yø 'yec'ei hinjam'mø xa nnugui. ² Dí nnegä ngue guí hatra ts'edi ni mmuihu ngue xøgue da 'da'igu guí mma n'na ngu n'na'ahu. 'Ne dí nnegä ngue hinguí nyobenihi, guí pahmu xandønho hanja na ra Cristo. Nuna Oja, go øt'a ngue fadi xanho hanja'a ra Cristo. ³ Nuna ra Cristo, guesena da xoga ma n'yomfenihi na ngue da dinma mmuihu hanja na ra hya tate di muui.

⁴ Dí xi'ahu na ra hya na, n'namhma ngue hinjonda hyär'ma hya'ahu. Porque 'buhyo ja'i ngue mahotho ga ngucyo hya mma ngue ga nhäte.

⁵ Nugä hinga 'dap'u dí 'buhmu ya, pe høn'atho dí mben'ahu. 'Ne hu ma mmuigä 'mø dí øde ngue du xandønho ni n'yomfenihi, porque guí hahu ra ts'edi guí ec'eihi ra Cristo.

⁶ Nu'mø mambá fadi gá 'yec'eihi ra Jesucristo, gá 'yøt'e ngue ni Hmuhi na. A nuyá, nuna ra Cristo gá 'yøt'e ngue ni Hmuhi, hont'a zant'a da 'yo ni mmuihu na ya. ⁷ Man'nan'yo mi 'yøt'e ngue gui hyehmu p'u ra Cristo. Gá 'buhmu conná ngue'a. Di ndu ni nt'ec'eihi co nuna ra hya bi sän'nahi. Gui ja ndummui gui ja mammadihhi Oja.

⁸ Dami mfähmu xandønho. 'Yo toni ja'i dadi ts'on'na ni nt'ec'eihi, sä da 'yena ngue da xän'nahi yø hya ngue yø mfadise yø ja'i, 'ne hinda gue'a ra hya bi nxännbate ra Cristo da xän'nahi. Guehya yø hyäte ya, himma juani te i mma. Gue'a te yø mfadi yø ja'i ua ja ra ximhäi i mmanya. Gue'u yø hya xa nja manjam'mø i mma.

⁹ Ra Cristo bi hnu ngue bi nja'i na, pe hinte di 'bedi ngue rá ts'edi Oja.

¹⁰ Ya dí n'yohu ra Cristo ya, ya hinte man'na dí 'bedi. Guehna 'bet'o naya ngue'u to gätho ja yø ts'edi. ¹¹ A nuyá, ngue ya ni n'yohu ra Cristo, ya bi mepya'ahi. Pe gue himma xøts'etho bi mepya'ahi tengutho øtyø judío. Sinoque nuna ra hmepeya bi ja'ahi, bi hycra nts'o mi ja ni n'yomfenihi. ¹² Nu'mø gmi nxixyah, gá 'yø'ni güendahi ngue ya bi zep'u ra nts'o gmani n'yohu m'met'o. Guí øthu ra güenda ngue 'darbu bi

t'äc'ahü rā Cristo. 'Nē gá 'yēc'ēihü ngue ja rā ts'edi Oja ngue bi japi bi bēnnate rā Cristo 'mø mī dū. Gá 'yōthü rā güenda ngue 'dap'u gá bēnnatehü rā Cristo, gá pahmü ngue ya mā'da'yo gá m'mühmü mahøn'a. ¹³ A nu'mø man'na rā pa, gätho yø ja'i hīngyø judío, mā hīn'yu rā 'da'yo te porque hīmmi pa'a rá 'yu Oja, gä rā nts'o manī n'yo. Pē nuyá, bi 'yōt'Oja ngue gá nthēhü rā 'da'yo te conná nguehra Cristo. Nu'a te mā ts'oquihü mī ja, ya gä bi punngahü Oja. ¹⁴ Mī ja mā ts'oquihü ngue xtá festhohü rá ley Oja. Pē nūna Oja, ya bi hoga mā ts'oquihü ngue bi dū p'u ja rā pont'i rā Cristo. ¹⁵ Nu'mø mī dū p'u ja rā pont'i rā Cristo, bi 'yemba häi rá hya'a rā hmu ua ja rā xīmhäi, porque nu'u māmā duxquibi, gä bi ma häi. Xøgue nhmīte ngue bi 'berpa yø sä porque bi dapi gätho.

¹⁶ Janangue nūya yø ja'i ēmbi ngue hīngui ho te guí sihü, 'yo guí ēc'ēihü te mmanya. 'Yo guí ēc'ēihü 'mø dā 'yēmbi ngue jatho guí suphü rā ngo, ogue guí suphü rā t'usna, ogue dā 'yēmbi ngue jatho guí suphü rā pa ngue rā ts'äya. ¹⁷ Nūya yø hya ya, guehya mī ja ts'editho ngue di nja hante ngue dā ēhra Cristo. Pē nuyá, ngue ya bá ēhra Cristo, ya hīn'na ya. ¹⁸ 'Yo guí ēc'ēihü 'mø dā 'yēn'ahü ngue rā ts'oqui gui 'yōthü 'mø hīngui thannehü yø anxē Oja tengutho øt'u. ēmbi ngue di 'yēxra ja'i nu'a hīngui nne dā 'yōt'e tengutho gā 'yo'u. 'Nē guehya yø ja'i mmanya ngue ja yø mfađi, ēna ngue nnu yø cosa nu'u hīnjongui nnu. Pē di nēqui ngue guehya yø ja'i di 'yēts'i, porque ēna ngue pase, guehya yø ja'i hīnte di muui te mmanya. ¹⁹ Guehya yø ja'i xā hyep'u rā Cristo ya. Conque hōnse rā Cristo 'bet'o ngue gätho yø 'yēc'ēi. 'Nē guehna rā Cristo fäxyø 'yēc'ēi, porque gue'u yø 'yēc'ēi nnøpe ngue rá do'yo. 'Nē guehna di 'dacjü rā ts'edi ngue gā n'yohü xānho nā, tengutho nnecjü Oja ngue gdá n'yohü.

²⁰ Dami 'yø'nī güendahü ngue nu'mø mī dū rā Cristo, xquet'a 'nē'ahü ya gá tuhü, ya bi zep'u'a te yø ts'ännise yø ja'i ua ja rā xīmhäi. Pē, ħhanja ngue guí ēmhü ngue nī mantho ja ts'edi ya yø hya ya? Porque tobe guí nne gui siguetho gui 'yōthü'a te gā 'yo yø ja'i. ²¹ Nūya ēmbi ngue hīngui sä dā ts'i 'da yø cosa. ēm'mø bi nya: “'Yo guí nne ngue gui sä, asta 'yo gui thädi”, i ēna. ²² Pē gätho yø cosa i ja, xānho ngue dā ts'i, 'nē nu'a te si rā ja'i, i thocho. Janangue nu'a te rā hya xānnbate ya yø ja'i ya, yø hyase. ²³ Majuani ngue nūya yø ja'i mmanya yø hya ya, ēna xøyø bamhya p'u gui nēqui. Porque ēna ngue xānnbate'a te nī 'yup'u ngue di 'yōtyø ndanne yø ja'i. 'Nē xān'nahü ngue gui 'yōt'e ngue hīnte gadi muhü. 'Nē xān'nahü ngue gui sammī xāndønho'a te rá pähä nī

do'yohu. Pe h̄inte dī muui ya yø hya mma, porque h̄ingui hajpabi'a te rá ts'on'yomf̄eni jap'u ja rá mmui ra ja'i.

3 ¹ Dami 'yø'ni güendahu ngue nu'mø mi bennate ra Cristo, xquet'a 'ne'ahu ya gá bennatehu. Janangue nu te gdí 'buhmu ya, 'yø'ni güenda ngue tengutho 'mø ya gdí 'buhmu p'u mahets'i bí 'buhra Cristo ja rá n'yei Oja. ² Ma datho da zo ni mmuihu'u yø cosa bí ja mahets'i. Hinga gue'u yø cosa ja ua ja ra h̄ai gui 'yemphu ngue ma datho di muui. ³ A nuyá, ngue guí n'yohu ra Cristo ya, ya h̄ingui ja ngue gdí 'buhmu tengutho gmaní 'buhmu m'met'o. Nuna ra Cristo, i n'youi na Oja rá Papá, 'ne guehna fāt'a ni tehu naya. ⁴ Nuna ra Cristo rá mmeti ma tehu. Nu'mø bá ep'u na, ya da hnu ngue tate ja rá ts'edi. 'Ne xquet'a 'necju da hnu ngue ya man'yohu na.

⁵ Janangue nuyá, nu'a te gá ra ts'on'yomf̄eni ja ua ja ra ximh̄ai, dami hyehmu p'u'a. 'Yo gui 'yots'om'm̄aihu. 'Yo tema nts'o guí øthu. 'Yo di so ni mmuihu ra nts'o. Nu te guí peshu, 'yo guí nnehu ngue man'na man'na di nxandi. Porque nuya yø ja'i ngue njap'u, gue'a te pets'i thanne, hinga gue'a Oja ni ma yø mmui ngue thanne. ⁶ Nuya yø ja'i njap'u, guehya f̄espatho rá hya Oja ya. Janangue guehya da japa castigo Oja ya. ⁷ Da gue'ahu 'mø yø pa xa thogui, xquet'a xcá njahu p'uya ngue gmi f̄espathohu rá hya Oja.

⁸ Pe nu ra pa ja p'uya, dami hyehmu p'u gátho ya yø hya ga xi'ahu ya: 'yo gyø cuehu, 'yo h̄ondra njunt'i guí nnehu, 'yo gyø zatehu, 'yo gyø nequisuihu, 'yo gyø ya mants'ohu, ⁹ 'yo gadi nhyät'i n'na ngu n'na'ahu. Nu'a te gmaní n'yohu m'met'o, ya bi mpädi. ¹⁰ A nuyá, ya bi gom'da'yo ni n'yomf̄enihu ya. A nuna Oja, da zä da 'yøt'e ngue man'na man'na gdí pahmu na. 'Ne da 'yøt'e ngue nu'a te nne Oja gdí n'yohu, h̄ont'a h̄ont'a da zo ni mmuihu'a. ¹¹ A nuyá, ya h̄indi mporta ngue'mø ra judío ogue h̄ingra judío ya, mhm̄epya ogue h̄inga mhm̄epya ra ja'i ya, ra 'dan'yo ja'i ogue ra ja'i h̄in'yu ra mfadi, 'buhra hmu ogue h̄injo'o ra hmu. A nuyá, nuna ma datho ngue di mporta ya, guehna ngue da t'ec'ei ra Cristo. Porque ra Cristo, guehna n'youi gátho yø ja'i ec'ei na.

¹² Nuna Oja di ma'ahu 'ne bá huan'nahu ngue guí sohu rá 'ye. O gadi 'yexhu ya, sinoque di nja ni nhūecatehu. Di nja ni yemmuihu. Dami 'yørpa ra nho ni mmic'eihi. Nu'mø te si'ahu, dami sethu. ¹³ Dami seti te gadi n'yørpe n'na ngu n'na'ahu. Nu'mø ja te gni njunthu, dami mpunb̄i n'na ngu n'na'ahu. Tengutho ra Cristo bi pun'nahu, dami njathu p'uya ngue guí mpunb̄ahu. ¹⁴ Nuna ma datho i ja ngue gui 'yøthu ya, guehna ngue guí mahni mmic'eiui n'na ngu n'na'ahu. Gue'a di zä gui 'yøthu'a te gä dadi 'bep'ahu gui 'yøthu'a p'uya. ¹⁵ Nuna Oja, bi 'yøt'e ngue xøgue

en̄tho n'na nc'eitho ja gätho yø 'yɛc'ei. 'Nɛ bi zon'nah̄u Oja ngue h̄ingui n̄nu 'dan'yo n'na ngu n'na'ah̄u. A nuyá, gui ja ndumm̄i ngue m̄ami ts'omhm̄u n̄a r̄a hya i zon'nah̄u Oja. Zant'a gui ja m̄ammad̄ih̄u Oja.

¹⁶ Nuna rá hya r̄a Cristo h̄on̄na d̄a 'yo n̄i mm̄uih̄u x̄and̄on̄ho n̄a. Nu'm̄o guí x̄ann̄bateh̄u r̄a hya, d̄ami pad̄i ha gdi japh̄u r̄a hya guí mm̄am̄hm̄u. D̄ami ja m̄ammad̄ih̄u Oja co gätho n̄i mm̄uih̄u m̄ente guí turpah̄u yø salmo 'n̄eh̄yø alabansa. ¹⁷ Nu'm̄o ja te guí øth̄u, oque ha guí yathoh̄u, d̄ami 'yøth̄u para ngue di t'ɛsp̄abi m̄a Hm̄uh̄u Jesucristo. R̄angue guí ɛc'eih̄u r̄a Cristo, nuna Oja m̄a Papáh̄u d̄a 'yø'm̄o gá zohm̄u. Jan̄angue nuyá, gui ja m̄ammad̄ih̄u Oja ya ngue'a te gä ørc̄ah̄u.

¹⁸ Ague gyø xisuh̄u, d̄ami 'yɛc'ei n̄i d̄ammeh̄u. Gueh̄na rá ns̄aui d̄a 'yøt'e te'o ngue ya ɛc'ei r̄a Hm̄u Jesús.

¹⁹ Ague n'yø'ah̄u, d̄ami m̄ahn̄i xisuh̄u. M̄ah̄otho gdí zohm̄u, 'yo h̄on̄dra s̄ui guí nneh̄u.

²⁰ Ague gyø bas̄ih̄u, nu'm̄o nzo'i n̄i papá oque n̄i mamá, d̄ami 'yɛc'eih̄u. Porque gue'a di ho r̄a Hm̄u Jesús ngue gui 'yøhm̄u r̄a hya 'm̄o ts'o'ah̄u.

²¹ Ague gyø papáh̄u, nu'm̄o guí nzohn̄i bas̄ih̄u, d̄ami hyon̄n̄bi ha h̄indi mb̄ocue n̄i bas̄ih̄u, n'namh̄ma ngue h̄inda gohyø mm̄ui.

²² Ague gyø hm̄iquih̄u, d̄ami 'yøt'e te gä di 'bep'a n̄i hm̄u gui 'yøth̄u. 'Yo guí øth̄u tenḡutho øtyø ja'i ngue h̄on'm̄o n̄nu yø hm̄u d̄i m̄p̄efi, h̄on̄tho nne ngue d̄a h̄nu m̄an̄ho. R̄angue guí n̄nu m̄ansuh̄u Oja, n̄u te guí pehm̄u, co gätho n̄i mm̄ui gdí 'yøth̄u r̄a 'befi. ²³ Nu'm̄o ja te guí pehm̄u, d̄ami ne ngue co n'na r̄a päh̄ätho gdí 'yøth̄u r̄a 'befi. Gui 'yø'n̄i güend̄ah̄u ngue tenḡutho 'm̄o gdí ørpah̄u rá 'befi r̄a Hm̄u Jesús. H̄ingue masque gui 'yem̄hm̄u ngue r̄a ja'itho guí ørpah̄u rá 'befi. ²⁴ Ya guí pah̄mu ngue nuna m̄a Hm̄uh̄u Jesucristo go d̄a gut'ah̄u n̄a co nu'a te gä r̄a n̄ho di 'da'ah̄u m'm̄efa. Porque gueh̄na m̄a Hm̄uh̄u Jesucristo d̄i m̄andagah̄u ya. ²⁵ Pɛ n̄u r̄a ja'i xants'o te øt'e, r̄a castigo rá njut'i. Porque gätho yø ja'i, n̄u te gä x̄a 'yøt'e, gue'a r̄a njut'i d̄i nja'a.

4 ¹ Ague gyø hm̄uh̄u, nu'a n̄i 'yup'u gui 'yørpa n̄i hm̄iquih̄u, gue'a gui 'yøth̄u'a, 'yo m̄athoguitho gadi am̄hm̄u. D̄ami pah̄mu ngue xquet'a bí 'b̄ahn̄i hm̄uh̄u m̄ah̄ets'i 'nɛ n̄n̄utho te guí ørpa n̄i hm̄iquih̄u.

² Guí hya r̄a ts'edi ngue njandyatho guí mat'Ojah̄u. H̄inha rá nzegui gui ja m̄ammad̄ih̄u Oja. ³ Nu'm̄o gá mat'Ojah̄u, xquet'a 'nɛc̄a d̄ami marc̄ah̄u Oja, n'namh̄ma ngue nuna Oja d̄a n̄u ha di japi hap̄u d̄a zä ga mm̄angä n̄a r̄a hya n̄a. Porque yø ja'i tobe h̄ingui pad̄i hanja'a r̄a hya ngue r̄a Cristo. A nuyá, ya dí ofädi gueh̄na r̄a hya dí mm̄angä. ⁴ D̄ami marc̄ah̄u Oja n'namh̄ma ngue Oja d̄a x̄ann̄gui ha gdá japr̄a hya ga m̄ma. Porque nu'm̄o dá m̄angä n̄a r̄a hya n̄a, m̄ah̄yon̄itho ngue d̄a 'yo n̄i 'yu r̄a hya.

⁵ Nup'u 'buhyø ja'i hīngyø 'yēc'ei, dāmi mportahu xanho. 'Nē dāmi hyoni ha gdi xihmu ra hya yø ja'i. 'Yo gadi 'bethu ra ora. ⁶ Nup'u hapu guí yahu, dāmi nehu ngue gā ra hoga hya gdí nyahu, mahotho da nt'øde ra hya gdí nyahu. I jatho ngue ya gdí padí ha gdí japhu ra hya gui xihmu n'na ngu n'na yø ja'i.

⁷ Nunā mā zi cūhu ra Tíquico hīngui hēgagui, i fāxqui xanho. Porque 'dap'u dí 'yo'be ngue dí ørpa'be rá 'bēfi ra Hmu Jesús. Nū te dí øt'ä ua ya, go dāni xi'ahu p'u na ra Tíquico 'mø bi map'u. ⁸ Guehna nnā et'ä p'u ha guí 'buhmu naya, para ngue guí pahmu te dí øt'ähe ua. Go da hyut'a ni mmuihu na. ⁹ Da me na mā zi cūhu ra Onésimo, xquet'a 'nēhna hīngui hēhra hya na. Guehna n'na nc'ei ni mmēnguhū na. Nuya p'uya, go da xi'ahu tema hya ja ua ya.

¹⁰ Nunā ra Aristarco 'daua dí ofädigä'be, di zengua'ahu. Da guehna ra Marco rá primo ra Bernabé, xquet'a di zengua'ahu. Ya xtā pen'nahū p'u ra hya ngue nunā ra Marco 'mø bi zømp'u guí 'buhmu, dāmi umhnu xanho ra ts'äya. ¹¹ Xquet'a di zengua'ahu na ra Jesús i Justo. Nū gātho yø judío ngue ya ec'ei ra Jesucristo ua ja ra hnini, høndya hyu nc'ei pōni ngue nne da mǎxqui ngue rá 'bēfi Oja ya. A nuyá, guehya hūrcagui mā mmwigä ya.

¹² Nunā ra Epafras ni mmēnguhū xquet'a di zengua'ahu na. Pe xquet'a ørpabi rá 'bēfi ra Cristo na. Nū'mø ngue bi mat'Oja na, janjuani ngue äpra mate Oja connā ngue'ahu. Nnepe ngue di ndu xanho ni nt'ec'eihi, n'namhma ngue gui ja ndummui gui 'yøthu gātho'a te rá pähä Oja, hīnte di m'mēdi. ¹³ Nunā ra Epafras, dādi jagä majuanī ngue mathoguitho ho rá mmui ngue mmat'Oja connā ngue'ahu na, dague'u yø ja'i rá m'mup'u ja ra hnini Laodicea, co 'nē'u rá m'mup'u ja ra hnini Hierápolis. Gā mmarpabi Oja. ¹⁴ Xquet'a di zengua'ahu na mā zi cūhu ra Lucas, nunā ra médico. 'Nēhna mā zi cūhu ra Demas, xquet'a di zengua'ahu.

¹⁵ Nugä drā Pablo, dí pennbabi ra nzengua'u mā zi cūhu rá m'mup'u ja ra hnini Laodicea. Xquet'a dādi zengua'a ra Ninfas co 'nē'u yø 'yēc'ei di mpeti p'u ja rá ngu na p'uya.

¹⁶ Nū'mø ya bi hnu na ra carta ja ua p'u guí 'buhmu, dāmi thocju ra carta, di map'u ha di mpeti yø 'yēc'ei p'u ja ra hnini Laodicea ngue da hnu. Xquet'a nunā ra carta ga pennbagä'u yø mmēngu Laodicea, xquet'a di thoqui, di map'u guí 'buhmu ngue guí nnuhu tema hya nt'ot'i.

¹⁷ Nunā ra hya ja ua, dāmi xihma zi cūhu ra Arquipo, gui 'yēmbi: "Dāmi 'yøt'e gātho'a te rá 'bēfi bi 'da'i ra Hmu Jesús, 'yo te dādi 'bēdi", gui 'yēmbi.

¹⁸ Nugä drā Pablo, nunā ra nzengua ja ua dá otra letra conma 'yē. O gadi pumbeniju ngue dí ofädi. Da ne Oja ngue di jap'ahu. Da ngut'atho.